


四明叢書

張宗祥



過宜言卷三

明鄞 華 夏吉甫 著

明鄞 楊晦遵大介較集

南北軍論 代課南雍

南者萬物所相見也北則終物始物之地焉聖人嚮明  
出治必南面以聽天下故古制前朝後市而王宮在南  
凡明堂四塞世言北上西上東上以及南上無所不稱  
北也蓋君則位陽而統尊餘若地道妻道臣道祇陰含  
而相護也然唯公卿爲眾職之綱故率百執事羣牧下

至兆庶遞以序而下之而逆其勢以上戴天子惟京輔  
爲萬土之宗故總文教武衛及州師瑣至邊徼甌脫縕  
一氣而散之而仍大居統以共適王家而聖人者爲之  
被光以訖聲康首以良下亦甚可偃兵不用息貫革之  
道使虎賁盡皆裨冕矣乃復陰寓其不得已否或德敷  
而虞逆命否或外寧必有內憂否或居安不可忘戰而  
古今來之軍政較獨詳古今來軍政之關治亂較最顯  
漢去古未遠猶識井田遺意旣獲秦鹿河帶山礪矣復  
調郡國民衛宮而名之南軍主衛尉調三輔民衛京而

名之北軍主中尉意以郡國去京師遠民欲有他而無恃故緩急反得賴三輔居輦轂下民不忍去天台人台里居世守之誼則迫窮禍患能相救援也其左右京輔都尉尉丞率皆屬中尉而番上與南軍等所委寄兵事非郡國比故唯漢太守號郡將兼領武事都尉掌佐守典武職他自三輔而外及王公國大抵相比郡守中尉比都尉劉呂之際太尉一入北軍而非種始鋤官府之慎固封守何如耳雖其後番上變而長屯而遠征遂至凌替其初未嘗不善也愚故等漢制而上下之隆於周

美於唐不無陋光武而悲宋成王卽政周公指虎賁常  
伯戒王知恤康王始阼太宰俾齊侯呂伋以虎賁百人  
逆於南門凡虎賁皆王宮衛也親臣勳胄總司禁旅爪  
牙銳士宿衛王宮而且罔非正人惟吉之求慎選扈從  
侍御之任幾與詢謀輔弼大臣等故中葉王室之亂齊  
桓公聯各國諸侯會首止以定之內難頃靖而王朝未  
聞有女謁寺人之慘唐初府兵之置無事則耕於野番  
上者惟京師宿衛耳有警卽命將以出事解卽罷兵散  
於府上歸於朝將帥無握兵之重而民不失業凡將帥

按閱教習不精者罪其折衝甚者罪及刺史軍還賜勳  
行賞便道罷之未聞有召募長征之害而所謂南衙北  
衙意亦祖漢焉奈之何東漢不能法祖事不歸臺閣甚  
至光祿大夫不宿衛議郎不執戟郎官三省盡屬黃門  
遂致社稷受傾與宦爲市而何進又紛召外兵以促亡  
漢悲夫光武之自毒其祚也宋又懲前代藩鎮之失精  
銳悉萃京師故皇城一司內庭宿衛無不預而諸班禁  
衛委之殿前未嘗無漢南北軍相統之意然漢聯外勢  
以拱內宋每出禁軍以衛外而武事遂至不振原宋藝

祖之所由得者久任李漢超郭進輩能用將不若漢祖  
之僅可將將也所由失者杯酒釋守信輩之權卒基祿  
被藏劍變將莫測未能若漢細柳東門俾人主歎美亞  
夫而切責棘灞賞鄧惲而貶中東門侯也此南北軍興  
衰之大概也愚更有思焉遷固皆下志兵卽詩書所稱  
戈兵戎兵威以器著而田賦所出者謂之軍豈非耕食  
以養身不費朝給父歿子承不藉招收禦侮則人自爲  
戰問罪則近出卽歸未嘗窮兵於外歷年苦戍璋至卽  
執戈而備戎行獻馘卽荷鋤而稱農子亦若世官世守

之無容輕棄焉所以人不鄙之不爲而且王朝六軍止  
七萬五千人已耳大國三之次國二之復一之雖以管  
子內政亦謂得士三萬人足方行天下豈若後世動用  
百萬及六十萬人四十八萬人耶弊且至從戎如棄  
市逃亡如避火於是清句不可而召募召募不戢而抽  
添驕夫悍將居外而叛韓黥七國祿山僕固是也居內  
思篡卓莽曹馬是也其閒稍能綱紀節義蝟出又如李  
郭不可相下而反令魚朝恩觀軍容使致八節度之師  
俱敗夫夙沙殿衛已大辱國而況天子皇皇僅藉刑餘



增重乎不然國戚可恃也梁竇鄧馬已有優劣而況盛漢有莽弱宋有賈將若之何權寵佞倖每喜邊隙無間地利阨塞險易賊虜僅狗窺鼠竊動思擁京衛重兵以行稱若干萬軍以空名虛位縻國家之糧餉而歸則多入效勞私姓紊王室之官賞毋論禁軍不可輕出四方安則畿甸安而外衛多以應召雜非如禁軍可輕收逞勞而悍者乎無已而爲南北軍慮恐追亡不若嚴補也追亡則中璫紕之忌而嚴補庶足爲病羸之藥補不用召而用句不可用抽亦不可庶幾同州縣編籍之法均

徭之制齒軍族之盛耗軍役之苦便慈以養之信以實之否則練鄉兵若壯快同於自衛其藩而不許遠調則京畿三輔下動可操尺一以出精兵而近邊者如其法取諸邊近海者如其法取諸海董之忠孝老練師貞之丈人用禮樂爲戰勝國家賴以長存而強外固中中嚴外飭庶可保無事作子孫世世之福矣無不善盡者莫能圖何哉

述赦論

令與法咸以恩民也而赦則膏令法之烈而澤其枯上

世嘗災赦罪疑赦幼弱老旄蠢愚赦而良民迫欲身盛  
時之君子矣及觀呂刑配享在下又云作配在下惟人  
主知典獄者之可配天而命罔敢輕焉則人臣亦以配  
天之典獄自雄而欽之恤之雖謂章法申令卽時時赦  
天下與民更始意可也後世鄙典獄爲賤事因輕其學  
而民命如菅明主不得不勤慈於赦矣嘗上稽史牒戒  
赦者得百二焉勸赦者得十二焉晉天福中張允駁赦  
亂朝奚論請讀漢王符述赦論而大言之乎老盜服賊  
孝子忍仇赦之不利乃在律豺性難馴旦脫夕梏赦之

不利且在惠舉管子所稱赦者先易後難久不勝禍之  
說以惠爲人之仇讎法爲人之父母足相師師而罔弊  
不幾疑肆大眚爲尼父以私學議上而薄視春秋與鄧  
析李悝之刑書伍也夫麟經自桓憚而淑肸札且蓋  
紀姬非以善善故赦與收荆秦而尊牧息且人盟鹿上  
非以惡惡故赦與猶未也戶編鳩鵲以爲督而何壽杌  
之不化騶虞家齒薇杞以瞿樊而何莫莢之不同艾蒿  
故螟蜮賊也而蝗變爲蝦豈盡類在捕蒺藜困也而蔥  
化爲茺豈當門必鋤蜂螫毒人何使與馴禽俱育鬼蜮

世醜何許與神龍間功將殄其種者長耶果乞其餘者  
短耶猶未也月令止以季秋月斷刑已耳孟夏出輕繫  
仲夏益囚食餒也仇至不與國不共天已耳獨設調人  
之職何也然則取衷于易而愈可斷赦之然否可不可  
矣赦非聖人之得已也隆古何嘗無赦卽夏殷末季雖  
淫刑以逞未聞興獄衰周監謗耳流而偶語而腹誹酷  
遂資子黨禁復沿而獄特而宿囚刻甚及于一瓜而承  
反遂先元輔誠有如劉德威所言失入無辜失出更獲  
大罪吏各自免競就深文者矣殺不辜寧失不經豈聖

舜以怙終誘天下乎夫總理之謂天必至之爲時而因之以消息盈虛之謂易凡天與天以下君與民靈而人與蠢而物古而今與後與當時而萬世總生剋于五行而已生則有剋而太剋則無生易卦六十四而專言刑者六焉其最著者解之赦過宥罪耳要各有所述解以雷鼓雨潤稱也而赦宥何述述雷之霆發而檄雨也春生于木木不震則不芽而滋木以水易水而電則木芽而焦矣威之濡之令人戴恩而愈驚摧折之幾莫起也形赦之心而先用議者爲中孚孚者上入而不悅也中

四體有良焉有震焉君子以議獄緩死何述述風以地  
歸而木不受焚澤以容木而養不窮井固有生之道  
焉奈何疑吹息者之必禍林而涓涓者之必將成河乃  
忽諸而慘付之乎況以赦故議不赦何議聖人情見乎  
詞矣至于賁而赦之意愈摯矣賁者山下火也止山下  
鬼燐蟻燭耳高不危松柏則碩果無恙卑不懼田萊則  
嘉禾自寔故以無敢折獄者述火之寔能止土而土不  
敢滅其母以使乾坤熄也至志主乎赦而神而明之則  
奇無過旅旅以賁反勢已燎原矣火炎岡而玉石咸焚

吾甚懼流鑠之聚冤也則述夫火性就燥火得所天而  
鳥獸何託昊天疾威敷土改色而草木何滋君子明愼  
用之而不留獄焉意以伏兌澤於離體而寒火不虐位  
巽木於艮山而艮培使長遇來周必死而獄可藝草何  
如遇徐杜必生而院有巢鵲也況旅以偶且暫釋耳其  
敢居刑茲無赦以爲家耶果以旅不留獄之故而必愼  
無赦爲也折獄致刑而豐明罰勅法而噬嗑聖人豈武  
健嚴酷而斬艾是快乎豐以日中致刑是與衆共棄也  
殺之三而宥之一日已旻矣寧雷收其聲而姑藏蟄耳



噬嗑以雷電明勅貴使知趨避也若夜行而刑在側雷徒競矣寧天斂其笑而緼化醇耳故述噬嗑之電先見而雷乃出頤中物何不可縱述豐之雷旣發而電仍隨憂炤天下何不慶章譽也然則候日中者不急功以思赦也而以電出雷因不赦而陰行其赦聖人之仁愛如此哉漢高入關與民約者法三章耳以承秦之弊得天下而位九赦文帝承呂后之弊位四赦厥道用解秦二世大赦劉景升父子歲歲赦數矣夫杖皆禁矣且令三覆奏甚而二日五覆奏美哉善用孚也漢元和理出囚